


QUICKSILVER HOPI SIGUR PA BAY CU E TITULO DI CALYPSO KING..

Fotos/texto:Poets

DEN AMBIENTE



** Quicksilver ta cla pa "HIT" Aruba su Carnaval 45..

** Diahuebs ultimo Quicksilver a yega Aruba cu e vuelo di KLM, pa asina confirma su participacion den e Calypso & Roadmarch Contest. Quicksilver a yega di conquista siete titulo como Calypso King y semper durante e magno festival carnavalesco aki e tabata figura como un di e favoritonan mas fuerte.

Quicksilver pa varios aña caba ta residencia na madre patria Hulanda, na unda tambe el a yega di cosecha hopi exito. El a yega di presenta na Corsow, St. Maarten, St. Vincent, Belgica, Trinidad, Alemania, Spanja y Swisa.

Hitman clasico recordable di Quicksilver ta entré otro: "Archi Buck den Up", "Oh Lord the Village Burning Down", "Way Wrong With Aruba", "I Born In Aruba", "Rosy".

Tambe el a realiza albumnan manera: Calypso King of Aruba, The Best Of Quicksilver, Quicksilver & Cisco Together, Burnin-Up. Etnan mas exitoso tabata "Hit Me With Soca" y "Rosy", cualnan a bira masha popular tanto

na Hulanda, New York y U.S. Virgin Island.

Quicksilver a nace na Aruba y a ser bendiciona bao di e number David Hodge. Den su epoca infantil gran parti el a biba na St. Vincent. Na final di epoca 60 el a bolbe Aruba cu e idea pa drenta den e mundo di entretenimento, cual el a realiza tambe cu hopi exito for di momento cu el a participa pa prome biaha den e Calypso & Roadmarch Contest.

Su prome aparicion den e Calypso Contest tabata den un forma impactante logrando e di tres lugar, pero lagando un impresion como e futuro Calypso King di Aruba. Den su siguiente participacion, el a logra di bay cu su prome titulo como Calypso King y for di e momento ey, el a domina e contest pa varios aña logrando siete titulo consecutivo.

Na aña 1977 el a bolbe Aruba pa participa den e Calypso Contest hunto cu "The Ringlings", cual tabata un banda forma pa musiconan Arubiano residencia na Hulanda. E tempo ey el a conquista e di segundo lugar. Na aña 1989 tabata su ultimo biaha cu el a bolbe Aruba pa participa y a bay bek Hulanda cu e di tres premio.

Na su yegada diahuebs ultimo, el a declara na DEN AMBIENTE, cu e biaha aki si e ta bay bek Hulanda cu e titulo como Calypso King. Quicksilver a duna di conoce cu e lo ser acompaña durante e Calypso & Roadmarch King pa Clymax, cual banda musical el a escohe pa motibo cu e ta haya e banda aki esun mas ideal den su estilo.

Quicksilver a sigui amplia tocante su calypso cu e lo bay participa, cual lo ta uno cu lo bay trese grato recuerdonan, enbista cu e aña aki Carnaval



** Riba e vuelo di KLM cu Quicksilver a yega Aruba, tambe a yega Aruba Donna Kock ruman di Josey Kock, kende a bin pa sorprende su ruman durante e Roadmarch Youth Contest. Riba foto tambe por aprecia Efraim Antonio kende ta manager di Quicksilver na Aruba...

di Aruba ta celebrando su di 45 aniversario.

Tambe Quicksilver a bin Aruba cu su mas reciente produccion di un CD titula "Quicksilver Coming To Party". Riba e produccion aki ta aparece 11 cancion: "Jam

like Crazy, Push-it back, Coming to party, Jam (version), Black Macamba, Deyars, Archie, This is soca, Push-it (mix), Star Boy y tambe Star Boy estilo mix.

DEN AMBIENTE ta desea Quicksilver hopi exito pa su

participacion den e Calypso & Roadmarch Contest y un "Happy Carnaval 45"...

UN PABIEN SPECIAL NA MI BROTHER.. KEVIN "HEART ATTACK" RICHARDSON REY ROADMARCH INFANTIL 1999..

** Un PABIEN grandi na DEN AMBIENTE su "little brother" KEVIN RICHARDSON, kende a sorprende

tur hende diahuebs ultimo den Joe Laveis Sportpark durante e Roadmarch Infantil/Juvenil Contest.

Kevin Richardson den prome instante a sorprende su propio mama Iris, di bise den un forma relampago cu e ta bay participa den e contest. E preparacion tambe a bay den un forma di "pura pura".

Sinembargo cu e tremendo acompañamento musical di Clymax, Kevin Richardson a sa di pone tur hende "raise your hand" cu su roadmarch "Heart Attack", cual roadmarch el a logra conquista e titulo di Rey Roadmarch Infantil den su prome aparicion.

Kevin Richardson ta bin for di e mesun skina di Mighty Talent den San Nicolas, pues den futuro mester "Watch Out" cu Kevin Richardson..

** Aruba Future Roadmarch King in the name of Kevin Richardson, so Cluduy..WATCH OUT...



** Rey Roadmarch Infantil Kevin Richardson hunto cu su querida mama Iris Richardson Molina..

